

# Namminersorlutik Oqartussani Sulisoqarnermut Inatsisilerinermullu Immikkoortortaqaarfik sulisunik siunnersortissarsiorput

Sulisutta amerlignaluttuinnarput - Qitiusumik allaffeqarfimmik taakkualu immikkoortortaqaarfiinik kiffartuussinitsinni suleqataarusussuseqarpit? Sulisunut siunnersortit inatsisilerituullu suleqatigiilluartuuvugut, qitiusumik allaffeqarfimmi peqqinnissaqaarfimmilu sulisunik aqutsinermik suliaqartartuuvugut. Maanna ataatsimik marlunnilluunniit sulisoqarnermut siunnersortissarsiorpugut, sulisoqatigiinni Kalaallit Nunaanni Qitiusumik Allaffeqarfimmi sullissisunut ilaasussanik ulloq 1. november 2026 imaluunniit isumaqatigiissuteqarnikkut atorfinittussamik.

Kalaallit Nunaanni Namminersorlutik Oqartussat taakkulu ataanni immikkoortortat tamaasa aamma peqqinnissaqaarfimmi sulisut pillugit sulianik suliarinnittarpugut, ilaatigut atorfinitsitsinermi isumaqatigiissusiortarluta. Taakkua saniatigut aqutsisut isumaqatigiissutit isumaqatigiissutillu pillugit siunnersorlugillu aqutissiuuttarpavut.

Sulisut Inatsisilerisullu allaffianni sulisunut siunnersortit 13-it, sulisunut inatsisilerituut pingasut kiisalu allaffimmi pisortat marluk sulipput.

## **Suliassatit pingaarnert**

Sulisunut siunnersorti ataaseq marlunnilluunniit ujartorparput, immikkoortortami suliassanik assigiinngitsut suliarinnittartussa. Immikkoortortaq massakkoqqissaaq inerisarneqaleruttorpoq; peqqinnissaqaarfimmi sulisut aamma qitiusumik allaffeqarfimmi sulisut sinnerinik suliaqartartut ataqatigiinnerunissaat sulissutigivarput. Taamaalilluni atorfik aqutigalugu sunneeqataasinnaaneq aamma suleqatigiit suleriaasiinik inerisaanissaq periarfissiissapput.

Suliassat pingaarnert makkuussapput:

- Atorfinitsitsinermi sulisumut tunngasunik suliaqarneq, matumani pingaartumik atorfinitsitsinermi isumaqatigiissusiorneq allakkianillu assigiinngitsunik suliaqarneq ilanngullugit
- Akissarsianik, tapinik soraarnernillu allattuinerit
- Tjenestemandit soraarnerussutiasiassaannut tunngasunik suliaqarneq
- Tjenestemandit pillugit inatsisit aamma atorfeqartitsinermi inatsisit pillugit malittarisassat allat pillugit siunnersuineq nassuiaassinerlu
- Isumaqatigiissutit nassuiarneri

Ilitersuusiorneq, immersugassanik suliaqarneq atortullu tamanut saqqummiunnerinik aamma suliaqartassaati.

Suleriaatsinik, ingerlatsinernik il.il. pisariillisarnerinik soqutigisaqaruit pikkoriffeqarlutillu, sulinermut taakku iluaqutaassapput.

## **Suleqatissarsiorpugut:**

- Bacheloritut, professionsbacheloritut imaluunniit allaffimmiutut ilinniagalik
- Assingusumik atorfeqarsimaneq iluaqutaassaaq, aammali ilinniakkannik

naammasserlaajusinnaavutit

- Suleqatiginnillaqqissuuvutit, isumasioqateqallaqqissuullutit aamma ilisimasannik suleqatitit avitseqatigillaqqillugit.
- Unamminartumik suliaqarnissamut naammassinninnissamullu tunuarsimaanngitsoq
- Oqaluttariarsornermi allattariarsornermilu qaffasissumik pitsaasumillu saqqummiisinnaasoq
- Kisitsisinik paasinnillaqqissuunerit inatsisinik/ aningaasaqarnermik paasinnillaqqissuuguit iluaqutaassapput
- Kalaallit Nunaanni inuiaqatigiinni pissutsit kulturilu ilisimasaqarfigigukkit iluaqutaassapput aamma kalaallisut oqaatsit atorsinnaagukkit iluaqutaalluinnarsinnaalluni
- Silatusaartoq, kiffartuusserusussusilik inussiarnersorlu

Suliffeqarfittut neqeroortugisinnaavagut suliffik sulisunik pimoorussisunik sulisulik aamma qanimut attaveqatigiiffiusoq, suliat aallaavigalugit isumasioqatigiiffiusartoq immikkoortortaqaqfimmilu pisortanut qanimut oqaloqatigiiffiusartoq kiisalu inuttut ilinniakkatigullu ineriartorfissaqartoq.

Qinnuteqartoq eqqortunik uppersarsarneqarsinnaasunik piginnaaneqartoq, immikkut siunnersortitut imaluunniit siunnersortit pisortaattut/siunnersortaanertut atorfinitsinneqarsinnaavoq.

### **Uatsinnut tunngasut**

Immikkoortortaqaq Aningaasaqarnermut Sulisoqarnermullu aqutsisoqarfiup ataaniippoq, taanna Aningaasaqarnermut Naalakkersuisoqarfiup ataaniilluni, taamaalillunilu Naalakkersuisut allaffeqarfiannut ilaalluni.

Aningaasaqarnermut Sulisoqarnermullu aqutsiveqarfik uagullu naleqartitavut pillugit uani itinerusumik atuarsinnaavutit: [www.asa.gl](http://www.asa.gl)

### **Paasissutissat amerlanerusut**

Atorfik pillugu paasisaqarusukku, allaffimmi pisortaq Inuk Uukkaa Lundblad mailikkut ugguuna: [iuld@nanoq.gl](mailto:iuld@nanoq.gl) imaluunniit oqarasuaatip normuatigut ugguuna +299 34 66 07 attaveqarfigissallugu tikilluaqquneqarputit.

### **Qinnuteqaat**

Qinnuteqarnissamut piffissaliussaq ulloq 7. september 2026. Oqaloqatiginninnerit sapaatip akunnerini 37-38-imilu pissasut naatsorsuutigineqarput

**Aningaasaqarnermut Sulisoqarnermullu Aqutsisoqarfik pillugu** Aningaasaqarnermut Sulisoqarnermullu Aqutsisoqarfik, ulluinnarni ASA-mik taagorneqartoq, Kalaallit Nunaanni Namminersorlutik Oqartussat ataatsimoorussamik kiffartuussinnermut sullissivigaat. ASA-p Namminersorlutik Oqartussat naatsorsuutaat, qitiusumik pisiortortarneq, isumaqatigiissutinut tunngasut, akissarsianut sulisunullu tunngasut, nutserisoqarneq kiisalu illuutiniq ingerlatsineq aserfallatsaaliuinerlu ilaatigut akisussaaffigai.

### **Aningaasarsiatigut atorfinitsitaanermilu atugassarititaasut**

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu

isumaqatiginniarsinnaatitaasup attuumassuteqarfigisap akornanni isumaqatigiissutaasut atorfininnerup nalaani atuuttut naapertorlugit ingerlanneqassapput.

### **Najugaq**

Atorfimmut atatillugu sulisunut inissiamik innersuussisoqarsinnaanngilaq. Qinnuteqartoq Namminersorlutik Oqartussani atorfeqarnermini sulisutut ineqartinneqareersimaguni sulisutut ineqarsinnaatitaanini tigummiinnarsinnaavaa. Atorfimmut atatillugu ini atorfeqarnermut tunngavoq, taamaalilluni atorfeqarnerup unitsinnerani qimanneqassalluni.

Qinnuteqaatit, CV, ilinniarsimasanut pikkorissaatigisimasanullu uppernarsaatit kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkat.  
*E-mail-ikkut qinnuteqaatinik tigusineq ajorpugut.*